

*D. D.*

## DISSERTATIO

De

# USU STUDII HISTORICI INFANTIBUS INCOLCANDI.

---

QUAM,

Ex mandato Reverendissimi Domini Doct. Archi-  
Episc. & Pro-Cancellarii, nec non Summe Vener.  
*Confis. Ecclesias.*

*Conf. Ampl. Facult. Philos. In Reg. Acad. Aboens.*

Publico Examini Subjiciunt,

**NICOLAUS ÆIMELÆUS,**  
PHILOSOPHIÆ MAGISTER;

ET

**REINHOLDUS JOH. BÖNING,**

*Nylandus.*

In AUDIT. MAJ. Die XXII Junii An. MDCCCLXXVI.

H. A. M. S.

---

A B O Æ,

Typis JOHANNIS CHRISTOPH. FRENCKELL.



Hoc illud est præcipue in cognitione rerum salubre ac frugiferum, omnis Te exempli documenta in illustri posita monumento intueri: inde tibi tuæque reipublicæ quod imitere cansas: inde fædum incæptu fædum exitu quod vites. LIV. in Præf. ad Hist. Rom.

§. I.

**U**ti in omni genere laboris, quod coacte fit minus succedit, ita quoque in litteris addiscendis, qui inviti sudant, raro seu potius nunquam vel ad eruditio[n]is vestibula penetrant; bene enim QUINCTILIANUS: *Studium discendi voluntate, quæ cogi non potest, constat.* Magnum igitur in pueris instituendis credo committunt vitium, qui vi & minis omnia peragunt, meliusque sine dubio Infantibus consulunt, qui eos cum litteris conciliare allaborant, & jucunditatis incitamento hoc efficiunt, ut non laboris onerosi instar, sed potius voluntatis & delectamenti, studia habeant. Quod utique credo fit, si studia ingenio infantium accommodentur. In primis si hoc Docentibus curæ sit, ut intelligent juvenes quæ discant, non tantum memoriae inculcent, ut cui bono sint sepiissime videant, & ut sentiant ipsi, cognitio[n]is

ais suæ penum quotidie augescere. Natura enim novarum rerum curiosa est hæc artas, avideque quæ scientiam suam augere possunt, arripit. Historiam vero in primis, utpote quæ captui ejus est accommodatissima, maxime adamat. Quam ob rem illam præ cæteris juventuti inculcandam esse, duximus; quod & in sequentibus, quantum vires permilere, monstrare conati sumus, dum singulatim enumerando rationes ob quas in primis historiam juventuti commendemus, simul modum quo nobis tractanda videatur, paucis significemus. Si vero quæ in materia tam ubere dici possint plene non attulero, pagellarum temporisque brevitati ob ferias Academicas jam instantes, L. B. id maxime adscribat.

## (§. II.

Primus quidem, quem in educatione infantum intendere debemus finis, est hic, ut ratio, quæ sola homo cæteris animalibus præstat, excolatur, ut cogitandi & judicandi facultas sensim emendetur & perficiatur. Ad hunc finem nec ineptum instrumentum est historia; dum enim facta quævis hominum affert, simul ansam præbet de his judicium ferendi, quæ facinora rite incepta & peracta, quæ minus, quæ hominum vigilantia bene successerint, quæ eorundem culpa male evenerint, quæ præceptis morum convenient, quæ cum his pugnent judicandi. In his vero sapiens Magister judicia scienter adjuvet, res ita proponat, ut discipulus sine difficultate perspiciat, qualem pronunciet sententiam, inventionisque tamen laudem quandam sibi ipsi tribuat, & hinc lætior ad studia incitetur. Si interdum erraverit, corrigatur, & de errore rationibus convincatur; quo etiam fiet, ut nimis suis viribus confidere non discat, seque solum semper in recto non credat. Interdum etiam simulet Præceptor se cum eo non sentire; rationibus vero vixius cedat,

quo efficiat ut & infans de suis gaudeat profectibus, nec nimis sibi diffidat, aliorumque semper quiescat iudicio.

## §. III.

Antiquiori ævo laudabatur disciplina, quæ artem firmandæ memorie proponeret, dicebaturque Mnemonica. (a) Hujus scientia & nomen & ars inter nos iam fere periit, & adeo est neglecta, ut ne curam quidem memorie exercenda vel minimam, plurimi necessariam ducant. Alias animi facultates excolendas, hinc solam sine cultura perfectum credunt. Quam tamen erroneam esse sententiam, multi non sine damno senserunt & sentiunt, eget enim hæc ut & aliæ facoltates exercitatione, & si QUINCTILIANO fidem addamus, Nihil æque vel augetur cura vel negligentia intercidit. (b) Nec etiam ullus in litteris sine hac nobis esse potest successus. Omnis enim disciplina memoria constat, frustraque docemur, si quicquid audimus præterfluit. (c) Necessarium itaque est, eum memoria tenax tanti sit in litteris addiscendis momenti, ut eam in infantia jam exercitemus; & igitur hoc iterum respectu, historiam commendamus, utpote quæ multa memorie mandanda affert, nec tamen ob jucunditatem lectionis operola, ut alia multa, quæ memoriam aggravant.

---

(a) Gratiam habeo Simonidi illi Crjo, quem primum ferunt artem memorie protulisse. Cic. de Orat. Lib. II. Cap. 86. (b) QUINCT. Instit. Orat. Lib. II. Cap. II. (c) ibi em.

## §. IV.

Historia quoque Magistra est vitæ ut a Cicerone dicitur, fundamentumque & basis scientiarum. Unius enim hominibus ætas nimium est brevis ad colligenda experimenta, quæ pro regula vitæ in quovis casu inservire possint. Hinc ad Historiam experimentorum penum recurrendum est. Ea quomodo homines in quovis casu antea & gesserint docet, & hinc consilium latubre subministrat, ea facta

facta quævis eorumque caussas refert, ea homines eorumque mores describit. Hinc itaque nos ipsoſ aliosque facilime cognoscere, hinc quomodo nosmet ipſos regamus, quomodo cum aliis agamus, discimus. Hinc per aliorum experientiam, maturam naſti prudētiam, rarissime cogimur nos excusare culpato Ciceroni illo: *non putaram*. Ut vero qui possit maximus, hinc in vitam profluat uſus, necessarium est puero eam in primis partem historiæ inculcare, quæ futuro ejus vitæ generi maxime conveniat. Quid enim magis abſolum foret, quam ei qui mercaturæ destinatur, religionis maxime & literarum ſara nota reddere, eum vero qui Sa-cerdotio est conſecrandus, illis neg'ectis, in politicorum machinationibus inprimis verſatum velle.

## §. V.

Uti vero morum emendatio p̄cipuum est, de quo ſolliciti eſſe debent, quorum curæ juventus credita eſt, ita non niſi diuidiātum e lectione historiæ colligerent fruſtum, qui ejus lectione ingenium tantum juuenum acuerent, moribus autem eorum nullam inde medelam eruerent. Eſt quidem in hominibus ab infantia uisque ſenſus quidam, pulchra quævis, non tantum in naturæ rebus, ſed in moribus quoque, cernens. Per corruptam vero educationem, pravas libidines & mala exempla, ſæpe hic ſenſus vel corrumpitur vel ſuffocatur, adeo ut multa quæ homines ſectentur plerumque, & quæ ad tempus ſpeciem habeant virtutis, vel etiam quæ deficiente virtute, honore cumulari ſoleant, utpote divitias, potentiam, honores, perſequantur, ſolidum & p̄cipuum bonum, virtutem, utpote quæ paupertatis ſæpe & contem-tus tenebris offuscata jaceat, despiciant. His nebulis diſipandis, non ſola ſufficient morum p̄cepta, quippe quæ intellectum tantum instruunt; in ſubſidium itaque vocanda eſt historia, quæ quaſi ſenſibus proponat mo-

res, quæ virtutes & vitia coram tanquam sifat, dematisque velamentis quævisum præpediunt, nuda quasi oculis depingat. Hæc morum deformitatem deculve detegit, dissipatque præjudicia vulgi; dum enim vanus honorum potentiaque splendor in sepulcro evanescunt, fama manet, & historia sine adulatio[n]e vel fuso de quovis pro moribus judicat, docetque eos, qui externa specie honorati & primo intuitu felices apparuerunt, reipsa tamen fuisse infeliciſſimos, ab aliis revera despectos & internis mentis angoribus cruciatos. Docet contra, quibus præmiis affidui virtutis cultores ornati sint, quibusve poenis muletati scelestorum greges, sua ſæpe expiaverint peccata. *Docet Deos esse, non negligere humana, superbia & crudelitati si seras non leves poenas venire* (a) Historia denique monstrat curriculum, in quo impigre versantes, labore & sudore ad honoris metam perveniamus. Si tropæa quæ Miltiadis victoriarum servarunt memoriam, Themistocli etiam noctibus quietem dementerent, quanto magis innumera, quæ in annalibus occurserunt virtutum monumenta, quemvis etiam languentem animum ad virtutem & honorem sectandum stimulent!

(a) LIV. Lib. III.

## §. VI.

Hæc præcipua esse existimo, quæ e lectione historiæ etiam profanæ; juventuti provenire possunt commoda. Alia adhuc adiungunt rationes Historiæ sacræ affidue legendæ, in ea enim & fundamentum & firmamentum religionis & fidei continentur. Inde potissimum potentia Creatoris, ortus & progressus humani generis, innumera in illud beneficia Divina, & mirifica Dei etiam nobis non videntibus, non credentibus, gubernatio, nobis notescit. Ibi propagatio religionis serie non interrupta ostenditur. Ibi quomodo homines lapsi cum creatorè in gratiam redierint narratur. Ibi miracula indubia quæ vim Numinis

minis arguunt, ibi Prophetæ luculentissimæ, quæ simul cum Divinitate auctoris Scripturæ, Dei quoque perfectissimam omniscienciam extra omnem ponunt dubitationis aleam. Ex Historia Sacra sola Christianarum quoque virtutum exempla, quæ apud Ethnicos frustra queruntur, sunt haurienda. Arctissime itaque & sanctissime illis incunabit qui juvenili institutioni præsunt, ut hanc in primis dissentibus alte inculcent, ut omnia quæ ad amorem & reverentiam Dei inspirandam inserviant, bene notent, & præprimis quæ ad corroborandam eorum fidem tam historicam in verbum ipsum Scripturæ, quam Salvifican̄ in merita Sanctissimi Servatoris, assidue illis proponant, sæpe repeatant.

### §. VII.

Sed dixerit forte quispiam, supervacaneum videri, nostro ævo studium commendare, quod jam adeo invalevit, ut pluribus unicum fere sit, quo occupentur & delectentur. Quod verum quidem est, in primis in hominibus melioris aliquanto sortis; sed quod dolendum, haud sæpe Historiam rite tractant, vel temporis tantum terendi caussa legentes, sine certo scopo & ordine quæcumque obveniunt, e quibus tamen nihil tenent nihil sciunt, vel etiam memoriam vano aggravantes onere, quod gloriandi causa aliquando coram ineruditis excutiant. Sed hi Historiam legunt, non illi student, nec eam norunt. Verum neque hæc quidem valent de omnibus. Maxima adhuc pars juventutis patriæ, debitis minus, notitia rerum, quæ ante ipsos natos acciderunt, imbutitur, & in Scholis imprimis, quæ publica impensa institutæ sunt, aridi plerumque adhuc memoriarum puerorum mandantur annalium indices, qui nihil continent, nisi nomina hominum illustrium, Regum & Imperatorum, qui quovis claruerunt anno, vel sæculo, tempusque ortus & occasus cuiusvis Civitatis. Quæ quidem notitia ad res narra-

narratas intelligendas est admodum necessaria, ut Systema Historiarum & connexionem omnium rerum perspiciant, sed dum in hac sola subsistunt notitia, æque ridicule agunt, ac ille qui ædificii adparatu comparato ample, illud tamen numquam perficeret. Atque quod dolendum, vernacula nostra scripti libri, fini & usui omnibus numeris respondentes nobis non suppetunt; licet egregia sint, quæ præstare cœperunt in Historia Universalis Cel. GJÖRVELL & EBERHARDT modo ad exitum telam hanc pertexere, velint. Dum vero hoc exspectamus, qui plura in hisce scire cupit, exterios adire opus habet Scriptores. Quod consilium illis etiam unicum est, qui particulares aliarum gentium historias sibi notas reddere volunt. In Patriæ fatis describendis optime de juventute mœruerunt, Viti Nobilissimi v. DALIN, LAGERBRING & BOTIN; sed nec horum adbuc ad finem perducta sunt opera, si compendium Nobiliss LAGERBRING excipias, quod eorum desideriis, qui in Patriæ Historia Infantibus inculcanda occupantur, in multis satisfaciat.

